



ISSN 2181-1709 (P)
ISSN 2181-1717 (E)

2024/№4

ТА’LIM VA INNOVATION TADQIQOTLAR

ОБРАЗОВАНИЕ И ИННОВАЦИОННЫЕ ИССЛЕДОВАНИЯ

EDUCATION AND INNOVATIVE RESEARCH

TA'LIM VA INNOVATSION TADQIQOTLAR
ОБРАЗОВАНИЕ И ИННОВАЦИОННЫЕ ИССЛЕДОВАНИЯ
EDUCATION AND INNOVATIVE RESEARCH



№4/2024
APREL (II)

Muassis:
Buxoro davlat universiteti
Fan va ta'lif MChJ

Bosh muharrir: Ma'murov
Bahodir Baxshulloyevich, Buxoro
davlat pedagogika instituti rektori

Jamoatchilik kengashi raisi:
Xamidov Obidjon Xafizovich,
Buxoro davlat universiteti rektori

Mas'ul kotib: Akramova
Gulbahor Renatovna

Texnik muxarrir: Davronov
Ismoil Ergashevich

Tahririyat manzili:
Buxoro shahar,
Q.Murtazoyev ko'chasi, 16-uy

E-mail:
eirjurnal2020@gmail.com

Jurnalning elektron sayti:
www.interscience.uz

Jurnal OAK Rayosatining
2021yil30 sentyabrdagi 306/6-son
Qarori bilan **PEDAĞOGIKA,**
PSIXOLOGIYA,
FILOLOGIYA, TARIX
FANLARI
bo'yichafsafadoktori(PhD)
vafandoktori(DSc) ilmiydarajasiga
talabgorlarning dissertatsiya ishlari
yuzasidan asosiy
ilmynatijalarinichopetishchtsiy
aetilgan ilmiynashrlar ruyxatiga
kiritilgan

Bosishga ruxsat etildi:
10.05.2024 y.
Qog'oz bichimi 60x84 1/8.
b/t.12,5.

Buyurtma raqami №0324
«FAN VA TA'LIM» nashriyotida
chop etildi. Buxoro shahar
<https://interscience.uz/> saytida
joylashtirildi

Jurnal 28.07.2021 yilda 9305
raqami bilan O'zbekiston
Ommaviy axborot vositalari davlat
ro'yxatidan o'tgan

Jurnal 2020 yilda tashkil topdi va
2 oyda 1 marta chop etildi.
2021 yil noyabr oyidan boshlab
har oyda 1 marta o'zbek, rus va
ingлиз tillarida chop etiladi

«Ta'lif va innovation
tadqiqotlar» xalqaro ilmiy-
metodik jurnalidan ko'chirib
bosish tahririyatning roziligi bilan
amalga oshiriladi

Maqolada keltirilgan faktlarning
to'g'riligi uchun muallif
mas'uldir

**ILM FAN UMMONI ARBOBLARI TOMONIDAN
YARATILGAN NODIR ASARLARGA FIKRNOMA**

<p>Асрор Пардаев, Туркистондаги очарчилик даҳшатлари ҳақида ҳаққоний китоб</p> <p>Бобоев Ф. Туркистондаги миллий озодлик ҳаракати тарихи бўйича янги асар</p> <p>Ҳайитов Ш. А. Бухоролик уч нафар жадид мунавварларига авлодларининг уч китобда жамланган ҳурмати ва эҳтироми</p> <p>Ғаффоров Ш. Ўзбекистон ССРда совет режимиининг қатағон сиёсати ва унинг оқибатлари тўғрисида залворли китоб</p> <p>Рашидов О. Ўзбекистон ССРда совет давлатининг емирилиши ҳамда қайта қуриш сиёсатининг таназзули ҳақида ноёб китоб</p>	3 5 10 13 16
07.00.00 – TARIX FANLARI	
<p>Abdullaeva D. A. Sovet hokimiyati davrida buxoro me'moriy obidalari ta'mirotdagi muammolar</p> <p>Asanova R. B. O'zbekiston va Hindiston munosabatlarning tarixiyligi</p> <p>Baxtiyorov B. B. Rossiya imperiyasining O'rta osiyodagi mustamlakachilik siyosati va unga qarshi o'lkada amalga oshirilgan xalq ozodlik harakatlari</p> <p>Boltayev B. B. Buxoroda muzey faoliyatitarixiga bir nazar</p> <p>Djuraeva S. N. Janubiy O'zbekiston ziyoratgohlarining tarixshunoslik tahlili</p> <p>Ergashev A.A. O'rta Osiyo mamlakatlari: Buxoro va Afg'oniston davlatlarining XVIII -asr 2-yarmidagi siyosiy, ijtimoiyaloqalar</p> <p>Ембергенова Г. К. История формирования рисового комплекса каракалпакстана</p> <p>Majidov A. F., Majidov A. Sho'rolar davlatining ijtimoiy-iqtisodiy sohadagi qataq'on siyosati va uning oqibatlari xususida (Jizzax viloyati misolida)</p> <p>Mamatqulov B. Sh. O'zbekistonda sanoat kadrlar tarkibini shakllantirish va korxonalarni ishchilar bilanta'minlash muammolari: tarixiy tahlil va natijalar (janubiy viloyatlar misolida)</p> <p>Muxamedov Ya. K. Ilk o'rta asrlarda choch vohasi boshqaruvtizimini xorijlikolimlarning tadqiqotlarida yoritilishi</p> <p>Naimov I. N. Buxoro amirligi markaziy qozixonasi va uning faoliyati</p> <p>Salimova D. B. Gidrotexnika inshootlari qurilishining qisqacha tarixi hamda gidrotexnika inshootlari haqida umumiy tushunchalar</p>	19 24 27 32 38 47 55 59 64 69 74 81

ROSSIYA IMPERIYASINING O’RTA OSIYODAGI MUSTAMLAKACHILIK SIYOSATI VA UNGA QARSHI O’LKADA AMALGA OSHIRILGAN XALQ OZODLIK HARAKATLARI

*Baxtiyorov Behruz Bobirovich,
Buxoro davlat universiteti magistranti
<https://doi.org/10.53885/edinres.2024.04.2.008>*

Annotasiya: Ushbu maqolada Chor Rossiyasining O’rta Osiyoni bosib olishi hamda amalga oshirgan mustamlakachilik siyosati ilmiy maqola va asarlar asosida tahlil qilishga harakat qilingan. Shu bilan birligida, mustamlakachilik zulmiga qarshi kurash olib borgan milliy ozodlik harakatlari va ularning ahamiyati ochib berilgan.

Kalit so’zlar: General-gubernator, vabo isyoni, nizom, O’rta Osiyo, qo’zg’olon, bosh prokuror, agrar siyosat, davlatchilik, rus sanoati, uyezd.

КОЛОНИАЛЬНАЯ ПОЛИТИКА РОССИЙСКОЙ ИМПЕРИИ В СРЕДНЕЙ АЗИИ И НАЦИОНАЛЬНО-ОСВОБОДИТЕЛЬНЫЕ ДВИЖЕНИЯ ПРОТИВ НЕЕ

*Baxtiyev Bekhruz Bobirovich,
Magistrant Bukharskogo gosudarstvennogo universiteta*

Аннотация: В данной статье предпринята попытка проанализировать завоевание Средней Азии и колониальную политику, проводимую царской Россией на основе научных статей и трудов. В том числе, были рассмотрены и раскрыты национально-освободительные движения против колониального гнета, и их значение.

Ключевые слова: Генерал-губернатор, холерный бунт, устав, Средняя Азия, восстание, генерал-прокурор, аграрная политика, государственность, русская промышленность, уезд.

THE COLONIAL POLICY OF THE RUSSIAN EMPIRE IN CENTRAL ASIA AND NATIONAL LIBERATION MOVEMENTS AGAINST IT

*Bakhtiyorov Bekhruz Bobirovich,
Master’s student at Bukhara State University*

Abstract: This article attempts to analyze the conquest of Central Asia and the colonial policy pursued by Tsarist Russia on the basis of scientific articles and writings. Among other things, national liberation movements against colonial oppression and their significance have been considered and revealed.

Keywords: Governor-General, cholera revolt, charter, Central Asia, rebellion, prosecutor-general, agrarian policy, statehood, Russian industry, uyezd.

Kirish.XIX asrda xonliklar o’rtasidagi tinimsiz o’zaro urushlar barcha mamlakatlardan uchun birdek og’ir siyosiy vaziyatni yuzaga keltirib chiqarmoqda edi. Bu holat o’lkaga yangi dushmanning kirib kelishi uchun qulay sharoit yaratib bergen edi. Rossiya imperiyasi esa bunday vaziyatdan ustamxonlik bilan foydalandi va o’lkani 4 bosqichda egallab oldi. (1847-1885 yillar). Milliy davlatchilik tugatildi. Chor Rossiyasining O’rta Osiyodagi mutlaq hokimiyati general-gubernator qo’lida to’plandi. Turkiston general-gubernatorligi tarkibida XIX asr oxirlariga kelib besh viloyat tashkil etildi. Sirdaryo, Farg’ona, Samarqand, Yettisuv, Kaspiyorti viloyatlarini shaxsan imperatorning o’zi tayinlagan harbiy gubernatorlar boshqarar edi. General-gubernator ayni bir vaqtida podshoh noibi, harbiy okrug qo’shinlari qo’mondoni,

bosh mirshab, bosh prokuror bo'lgan. U Buxoro amiri faoliyatini Rossiya imperatori agentligi orqali, Xiva xonini esa Amudaryo bo'limi boshlig'i orqali nazorat qilib turgan.

Turkiston general-gubernatorligi viloyatlarga, viloyatlar uyezdlarga, uyezdlar esa volostlarga, volostlar uchastkalarga, uchastkalar esa oqsoqollar boshqaradigan hududlarga bo'lingan. Mustamlakachilar Toshkent shahrini Turkiston general-gubernatorligining ma'muriy markazi etib tanlashdi. Rus mustamlakachiligining Turkistondagi asosiy tayanch ma'muriy va majbur qiluvchi tashkiloti politsiya idorasi bo'lib, u katta vakolatlarga ega edi. Rossiya imperiyasining 1886-yilgi «Nizom»i o'lkaga rus aholisini ko'chirib keltirish yo'li bilan o'lkani ruslashtirish harakatini qonunan mustahkamlab, unga siyosiy tus berdi. Ko'chib keluvchi har bir oilaga 10 tanobdan kam bo'limgan yer ajratish belgilandi. 15 yil davomida (1875-1890 yy.) Turkistonga 1300 oila ko'chib kelib joylashdi. Turkiston aholisining 5 foizini tashkil etuvchi rus mustamlakachilari qo'liga hosildor yerkarning 60 foizi berib qoyilgan edi.

Turkistonni paxta xomashyosi yetishtiradigan bazaga aylantirish Rossiya agrar siyosatining bosh maqsadi deb belgilandi. 1885-1915- yillar davomida paxta maydoni 13 barobarga o'sdi. 1900-yilda Turkiston paxtasi rus sanoati ehtiyojining 25% ni qondirib, bu raqam yil sayin oshib bordi va 1913-yilga kelib 50% ga oshdi. Chor ma'muriyati Turkistonni Rossianing bir qismiga aylantirish, uning janubiy chegaralarida harbiy istehkomlar qurish, boyliklarni va yetishtirilayotgan xomashyoni tashib ketish maqsadida temir yo'l qurilishini boshlab yubordi. 1880-1889 -yillarda Krasnovodsk, Ashxabod, Marv, Chorjo'y, Buxoro, Samarcand, Toshkent, Qo'qon, Andijon shaharlarini bog'lovchi O'rta Osiyo temir yo'l qurildi [1]. Bu o'z navbatida mahalliy hududlarni Rossianing markaziy shaharlar bilan mustahkam bog'ladi.

Rossiya imperiyasi Turkiston xalqini ma'naviy-madaniy jihatdan tutqunlikga solish, uzoqqa mo'ljallangan manfaatiga bo'ysundirish siyosatini yuritdi. Uning mohiyati, mazmuni mahalliy xalqni uning milliy, tarixiy ildizlaridan uzib tashlash, xalqning ma'naviy, madaniy, tarixiy merosini yo'q qilish, ruslashtirishdan iborat edi. 1884-yilda Toshkentda dastlabki «rustuzem maktabi» ochildi. Shunday maktablarda rus va o'zbek muallimlari dars mashg'ulotlarini o'tadigan bo'ldi. Maqsad o'zbek yoshlariga rus tilini o'rgatish va rus turmush tarzini singdirish edi. Chorizmning mustamlakachilik zulmiga qarshi xalqning noroziligi oshib bordi, isyon va qozg'olonlar ko'tarishga sabab bo'ldi. 1880-1883-yillarda Xo'jand, O'ratega, Namangan, O'sh va Chustda ko'tarilgan qozg'olonlar bunga misol bo'la oladi. Manbalarda 1885-1892- yillarda Farg'ona viloyatida xalqning 205 marta siyosiy chiqishlari qayd etilgan. Qozg'olonlarning harakatlantiruvchi kuchi dehqonlar, shahar hunarmand-kosiblari va kambag'allar bo'ldi. Bu harakatlarda vatanparvar ruhoniylar, milliy g'ururini yoqotmagan boy zamindorlar ham ishtirok etdilar. 1892-yilning yozida Turkiston markazi Toshkentda rus mustamlakachilarini talvasaga solgan va tarixga «Vabo isyoni» nomisifatida kirgan qozg'olon bo'ldi. Dastavval vabo kasali bilan og'rish belgilari Turkiston general-gubernatorligining Afg'oniston va Eron bilan chegaradosh joylarida sezila boshlagan [2]. X. Yunusova o'zining "1892 yildagi Toshkent qo'zg'oloni" nomli ilmiy ishida yozishicha, Toshkentda 1870 yilda ham vabo kasali tarqalishi natijasida 3978 kishi kasallangan. Ulardan 2215 kishi o'lgan.

Adabiyotlar tahlili va tadqiqot metodologiyasi. Chorizm amalgal oshirgan tadbirlar qattiq repressiyalar bilan ommani qo'rqtish, omma o'rtasida obro'e'tibori katta bo'lgan shaxslarni Turkiston o'lkasidan chiqarib yuborish, din arboblarini obro'sizlantirish, mahalliy ma'muriy idoralarning tarkibini ko'proq ruslashtirish, Turkistonda yashayotgan turli xalqlar o'rtasiga turli xil adovat urug'ini sochishga qaratilgan jinoyatkorona siyosati birinchi o'ringa chiqqa boshladi, - deb yozadi H. Yunusova.

H. Ziyoyev o'zining "O'zbekiston mustaqilligi uchun kurashlarning tarixi nomli asarida "1892 yil 1 iyunda Jizzax uyezdida vabo kasali paydo bo'lganini yoritadi [2]. Shu bilan birgalikda 7 iyunda esa Toshkent shahrida vabo kasali borligi ma'lum bo'ldi. Imperiya ma'muriyati esa shifokorning ruxsatisiz murdalarni ko'mmaslikni, murdalarni maxsus qabristonga ko'milishini e'lon qildi. Bundan tashqari, vabodan vafot etgan ayollarning murdasini erkak shifokorlar

nazoratdan o'tkazayotgani va mayitni yuvmasdan ko'milayotgani haqidagi mish-mishlar mahalliy aholi g'azabini qo'zg'atdi. Xullas, hukumatning vaboga qarshi choralar zulm va adolatsizlikdan sabr kosasi to'lib toshgan shaharliklarni bosh ko'tarishiga turtki bo'ldi", - deb, 22 iyunda shahar oqsoqoli Muhammad Yaqub mish-mishlar yolg'onligi, ularga ishonmaslik kerakligi haqida aholini ogohlantirdi [3]. Bu haqida S.R.Putinsev: "Iyun oyining boshlarida vabo kasalining tarqalishiga qaratilgan choralar turli mulohazalarni yuzaga keltirib, xalqda ularga nisbatan ishonch qoldirmadi. Hatto, shifokorlar bemorlarni "og'riqlardan tezroq xalos bo'lsin deb kukun beryapti degan gaplar ham tarqaldi" [4]. Bu ham yetmagandek, shaharning katta oqsoqoli Muhammad Yaqub shahar atrofidan kelgan mardikorlarni surishtirmay kasalxonaga yotqizaverganidan ular shahardan qochib ketavergan. Bu holat mardikorlarni Muhammad Yaqubga nisbatan nafratini uyg'otdi va qo'zg'olon boshlanishiga sabab bo'ldi. Muhammad Yaqubning so'ziga qaraganda avvalo 2000 kishilik xalq olomoni unung uyiga borishgan, u yerdan topa olishmagach uyini ostin-ustin qilib, 4000 so'mlik mol-mulkini talashgan. Bu olomon tepasida Eshon Aziz, Odil Qosimxo'ja va bozor oqsoqoli Ziyo Isamuhamedovlar turganlar.

V.Zikin o'z maqolasida bu voqealar haqida shunday deydi: "Vabo kasalining oldini olish borasidagi tadbirlarini belgilashda ham zo'ravonlik, mahalliy aholi manfaatlarini e'tiborga olmay ish tutish siyosati yana bir bor namoyon bo'ldi." [5].

Muhokama va natijalar. "Harbiy qism Eski shahar bozoriga kelganida qo'zg'olonchilar to'planib, soldatlarga toshlar otdilar. Shu bois ularga qarshi soat 11 larda kazaklar qo'shini yuborildi va natijada o'q otolib, bir necha kishi otib o'ldirildi.

O'rdaning Eski Jo'va bozori bilan bog'lovchi katta ko'chada joylashgan Saidkarim Azimboyevning hovlisida kasalxona joylashgan edi. Buning atrofida ertalab soat 10 da olomon to'planib, Mirzaboyvachcha Mirsalimboyev, Usmon qassob, Aziz Kasabov va yamoqchi Iskandar Shukurbekovlar "Biz Muhammad Yaqubni o'ldirdik, uyini taladik, o'g'lini qo'lga oldik, agar sizlar chindan ham musulmon bo'lsalaringiz, do'konlarni yopinglar va Shayxontahurga boringlar", - deb baqirganlar. Eski shahar bozorida soldatlar tomonidan bir necha kishilarning o'ldirilishi va jarohatlanishi bilan qo'zg'olon nihoyasiga yetdi. Viloyat harbiy gubernatori Grodekov soldatlarni turli joylarga yuborib, qo'zg'olonchilardan 60 kishini hibsga oldirtirdi.

1892 yil 15 dekabrda sud raisi general mayor Mordvinov sud hukmini e'lon qildi. Unga ko'ra Ahmadxo'ja Abdurashidxo'jaev, Ziyomuhammad Isomuhamedov, Azimboyevachcha Mirsalimboyev, Iskandarbek Eshkurboyev, Usmon qassob, Toshmuhammad To'ychiyev osib o'ldirishga, mol-mulkini musodara qilishga hukm qilindi [6]. 1892 yil 16 martda shaxsan imperatorning roziligi asosida qo'zg'olonning oldini ololmaganliklari uchun Grodekov va Putincevlar lavozimidan olindi.

Umuman olib qaraganda, 1892 yil 7 iyun - 9 avgust orasida Toshkent shahrida o'zbeklardan 1428 kishi kasallanib, 1389 kishi o'lgan. H. Ziyoyevning yozishicha, asrlar mobaynida hukm surib kelgan islom dinining g'ayri din asiriga aylanib qolishi yangi Andijon qo'zg'olonining yuzaga kelishida eng muhim omillardan biri bo'ldi. Ayniqsa namoz vaqtida rus imperatori nomiga xutbani majburiy holatda o'qitilishi achinarli hol edi. Demak imperiya ma'muriyati tomonidan amalgaoshirilgan shavqatsiz zulm tub aholining qadr qimmati yerga urilishi Andijon qo'g'olonini yuzaga keltirdi [7].

Fozilbek Otobek o'g'lining yozishicha, Farg'ona vodiysining o'zbek va qirg'izlardan tashkil topgan, o'troq, yarim ko'chmanchi aholisi bu davrda nihoyatda achinarli ahvolga tushib qolgan edi. Mana shunday og'ir sharoit hukm surayotganda Muhammad Ali Sobir o'g'li siyosiy maydonda paydo bo'ldi. U 1856-yilda Marg'ilon shahriga qarashli Shohidon qishlog'ida o'rtahol oilada tug'ilgan. Muhammad Ali yoshligidanoq aql-idrokli, mehnatsevar va adolatli shaxs sifatida tanilib, otasining kasbi va dehqonchilik bilan shug'ullangan. U 1866-yilda ota-onasi bilan Mingtepaga kelib o'rashadi. U asli kasbi bo'yicha Dukchi Eshon iborasi bilan

ham atalgan. Uning o'zbek, tojik, qirg'izlardan iborat muridlari bo'lgan. Bu xususida Asaka bo'limining pristavi Chanishev boshlig'iiga: "Manim maxfiy olgan axborotimga qaraganda Mingtepada bir eshonning muridlari o'n mingdan oshgani, agar shunday boraversa ehtimol Eron eshonlaridek Rossiya davlatiga isyon chiqarishi mumkinligi" haqida ma'lumot yetkazadi.

Qo'zg'olong'alabaqilgantaqdirda, Muhammad Ali Eshonning 17 yoshlijiyani Musulmonqul xonlik taxtini egallashi lozim edi. 1898-yilda "Rus invalidi" gazetasida yozilishicha Abdujalil degan kimsa Qashg'ardan kelib, Eshonga "Turkiya sultonini tomonidan yuborilgan xat va to'nni topshirgan" emish, lekin ularning aslligi tasdiqlanmagan. O'sha yili 14 iyulda Turkiston harbiy okrugining shtab boshlig'i N. Belyayevskiyning bildirishicha, "Turkiya sultonidan hech narsa olinmagan". 1898-yil 17 may kuni Muhammadali Eshon xalqqa murojat qilib, ularni mustamlakachilarga qarshi qo'zg'alon ko'tarishga da'vat etadi. Qozg'olonchilar Andijondagi mustamlakachilarning harbiy gornizoniga bostirib kiradi va kazarmaning piramidalarida 30 ga yaqin turli miltiqni o'lja qilib olib, birinchi qatordagi soldatlar ustiga tashlanishadi. To'qnashuv paytida harbiy garnizon jangchilaridan 22 kishi o'ldirildi, 24 askar yarador bo'ldi. Yarim soat davom etgan qattiq jangdan so'ng jangovar tayyorgarligi durust bo'lmagan va qurol-yarog'i nochor qo'zg'olonchilar guruhi to'qnashuv joyida o'lgan 11 nafar va yarador bo'lgan 8 nafar odamlarini qoldirib chekinishadi. Harbiy qo'shinlar shaharni o'rabi olib, qo'zg'oloni harbiy kuch bilan shafqatsizlarcha bostiradi. Mustamlakachilar Muhammad Ali Eshonni tutish uchun Mingtepaga bostirib kirdilar, uch soatcha otishma va tintuv o'tkazdilar. Nihoyat, Eshon Arslonbob yaqinidagi Toshko'prikda qo'lga tushirildi. Eshon va uning muridlari, tanish-bilishlari, maslakdoshlariga nisbatan dahshatli qatag'on uyuştirildi. Dukchi Eshon osib o'ldirildi, uning 45 nafar yordamchilari qatl etildi, 208 kishi Sibirga surgun qilindi. Dukchi Eshon qozg'oloni izsiz ketmadi. Butun Farg'ona vodiysida mustamlakachilarga qarshi harakat davom etdi. Bu hol xalqning kuchli noroziligiga olib keldi. Iyul oyida Xo'jand shahrida norozilik namoyishi boshlanib ketdi. Unga dehqonlar, mardikorlar, chorakorlar, ayollar-jami 3000 dan ortiq kishi qatnashib, namoyish «Mardikor bermaymiz!» shiori ostida o'tdi. Politsiya namoyishni bostirishga kirishdi, ular ustiga tosh yog'ildi. Harbiy qismdan soldatlar yetib kelib politsiyachilar bilan birgalikda namoyishni bostirdi. Samarqand uyezdining Urgut qishlog'ida g'azabga kelgan 2000 kishilik dehqonlar olomoni volost boshqaruving mahkamasasi oldiga to'plandi [8].

Mahkama xodimlari kaltaklandi. 11-iyulda Toshkentda hunarmandlar, ishchilar, shahar kambag'allari va shahar atrofidagi dehqonlar Beshyog'ochdagagi politsiya boshqarmasi tomon yo'l oldilar. Namoyishchilar «bolalarimizni bergandan ko'ra o'zimiz o'lganimiz yaxshiroq, podshoh o'lib ketsin» deya maydonni larzaga keltirib qichqirdilar. Mahalliy aholi faollaridan Yo'lchi Ibrohimov (konchi), G'ulom Kamolov (g'isht teruvchi), ishchi ayol Zuhrabibi Musayeva va boshqalar xalqni podshoh hukumatiga qarshi qat'iy kurash boshlashga da'vat etdilar. Tez orada jazo qo'shini etib keldi. Natijada ular 5 kishini otib o'ldirishdi, 15 kishi yarador bo'ldi. Noroziliklar Farg'ona vodiysida tobora kuchaya boshladи. G'alayonlar Qo'qon shahri, Kattaqo'rg'on, Rishton qishloqlarida ham bo'lib otdi. Ularning barchasi ayovsiz bostirildi. 1916-yildagi qozg'oloning eng kuchli nuqtasi Jizzaxda bo'ldi. Shahar aholisi 13 iyul kuni safarbarlikka chaqirilganlar ro'yxatini talab qilib oqsoqol va mingboshi mahkamasiga to'plandilar. Oqsoqolni o'ldirib, mingboshi mahkamasini vayron qildilar, ro'yxatni topib olib yondirib tashladilar. Iyul oyiga kelib butun Turkiston o'lkasida harbiy holat e'lon qilindi. Jazo otryadlari va mustamlakachi ma'murlarga juda katta huquq berildi. Qozg'olonchilar safi kengayib bordi. 18 iyul kuni Nazirxo'ja Eshon boshchiligidagi olomon yangi shahar tomon yurdi. Jazo otryadi bilan qozg'olonchilar o'rtasida bo'lgan to'qnashuvda ikkala tomondan ham qurbanlar bo'ldi. Turkiston general-gubernatori Jizzax qozg'olonini bostirish uchun polkovnik Ivanov boshchiligidida oltita to'pi bor 13 ta rota askar, 300 kishilik kazak otryadi va 3 rota savyorlarini safarbar etdi. Jazo otryadi qozg'oloni shafqatsizlarcha bostirdi. Omon qolgan Jizzax aholisi jazirama cho'lga haydaldi. Jizzax ishi bo'yicha 1000 dan ortiq kishi

hibsga olindi, 151 kishi sud qilinib, turli muddatlarga qamaldi. 1916 yilgi qozg'olon butun Turkistonga yoyildi, dehqonlar va kambag'allar qozg'oloni harakatga keltiruvchi asosiy kuch bo'ldi. Qo'zg'olon bostirilgan bo'lsa-da, mustamlakachilar ham anchagina kuchlaridan ajraldilar. Shuning uchun ham, A.F Kerenskiy «Urush frontlariga yangi bir front-Turkiston fronti qoshildi», -deb vaziyatga jiddiy baho bergan edi [9]. 1916-yil qozgoloni o'lkadagi Chor Rossiya mustamlakachilik tizimining tagi bo'sh zaminda ekanligi va uning ustunlari qimirlay boshlaganini hamda Turkiston xalqlarining vatanparvarligi, g'ururi so'nmasligini korsatdi.

Xulosa qilib aytganda, XIX asrdagi parokandalik, uch xonlikdagi o'zaro notinchlik va mahalliychilik yurtimizni o'zga davlatlar iskanjasiga soldi. Natijada, XIX asrning ikkinchi yarmida Rossiya imperiyasi Turkiston xalqlarini asoratga soldi. U o'lkani siyosiy-hududiy jihatdan zabit etibgina qolmay, balki erksevar, zahmatkash xalqni ma'naviy-ruhiy bo'yusundirishga harakat qildi. Rossiya mustamlakachilarining og'ir asorati sharoitida ham xalqimiz o'zligini, milliy qadriyatlarini, ma'naviyatini, madaniyatini, urf-odatlari va turmush tarzini saqlab qola oldi.

Foydalilanigan adabiyotlar:

- 1.Юнусова Х.Е. 1892 йилдаги Тошкент қўзғолони: Тарих фан. ном. илмий даражасини олиш учун дис. – Т., 1995. - Б. 50.
- 2.Зиёев Х. Ўзбекистон мустақиллиги учун курашларнинг тарихи. – Т.: Шарқ. 2001. - Б. 159.
- 3.O'zMA, I - 723, I - ro'yxat, 3 - ish, - B. 12.
- 4.Зыкин В. Под двойным прессом (Ученые записки Пермского государственного университета). - Пермь 1931,- С. 335.
- 5.O'zMA, I - 723, I - ro'yxat, 2 - ish, 59-varaq.
- 6.O'zMA, I - 19. I - ro'yxat, 5579-ish, - B. 109.
- 7.Fozilbek Otabek o'g'li. Dukchi eshon voqeasi. Nashrga tayyorlovchilar: Sirojiddin Ahmad, Ulug'bekDolimov, Shuhrat Rizayev. - Т.: Cho'lpon, 1992. -B. 15-16.
- 8.Ортиқов, Азамат, and Бобир Болтаев. “Пойкент-анттик ва илк ўрта асрлар даври шахри”. Варқарорлик ва етакчи тадқиқотлар онлайн илмий журнали 4.3 (2024): 99-102.



Jurnal Ommaviy axborot vositasi davlat ro‘yxatidan 2020 yil 6 oktyabrdan o‘tgan.

Jurnal har oyda bir marta o‘zbek, rus va ingliz tillarida nashr etiladi.

Jurnalning hajmi 60x84, 1/8, A-4;

«Ta’lim va innovatsion tadqiqotlar» xalqaro ilmiy-metodik jurnali 2020 yil oktyabrdan nashr etilmoqda.

Pedagogika, psixologiya, filologiya va tilshunoslik, matematika, fizika va mexanika, texnika fanlari, tabiatshunoslik, tarix va falsafa, turizm va iqtisodiyot, axborot kommunikatsion texnologiyalari, geografiya sohalardagi ilmiy va ilmiy-uslubiy materi-allarni o‘z ichiga oladi. Nashr qilingan materiallar mualliflari O‘zbekiston Respublikasi hamda yaqin va uzoq xorijning yetakchi olimlari, tadqiqotchilari.

Jurnalning kalit so‘zlari:

Oliy pedagogik ta’lim nazariyasi va amaliyoti; umumiy va maxsus pedagogika va psixologiya, pedagogika va innovatsiya, integratsiya, O‘zbekiston, Rossiya va xorijiy mamlakatlarning ta’lim tizimi; ta’lim jarayoni; ko‘p madaniyatli va mintaqaviy ta’lim;

III Renessans, XXI asrdagi ta’lim; ta’lim va tarbiya sohasidagi milliy va qadriyat ustuu-vorliklari; ta’lim sifatini monitoring qilish; uzluksiz pedagogik ta’lim tizimi; ta’lim dasturlari; umumiy o‘rta va o‘rta maxsus, kasb-hunar ta’limining davlat ta’lim standartlari; o‘qituvchilarni tayyorlash tizimidagi ta’lim texnologiyalari.

Guvohnoma raqami № 8882

Bosh muharrir: B.B.MUROV

Bosishga ruxsat etildi: 10.05.2024 y.

Qog‘oz bichimi 60x84 1/8. b/t.12,5.

Buyurtma raqami №0324

«FAN VA TA’LIM» nashriyotida chop etildi. Buxoro shahar.

<https://interscience.uz/> saytida joylashtirildi

